



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Avgvstini Archiepiscopi Tarragonensis Dialogorum
Libri Duo de emendatione Gratiani**

Agustín, Antonio

Parisiis, 1672

Addenda In Notis.

urn:nbn:de:hbz:466:1-10634

nihil est necesse rescribere. Quo loco vide Notas clarissimi & eruditissimi conterranei mei Simeonis Bosij. Ælius Spartianus in vita Adriani: *Ioca ejus plurima extant.* Iulius Capitolinus in vita Antonij Pij: *Omuli multa joca semper patienter accepit.* Vide Notas ad Reginonem pag. 537.

CUM URSO] Vide Notas ad Reginonem pag. 564.

LARVAS DÆMONUM] In Capitulis Hincmaris, unde sumptum fuisse diximus hoc caput, & apud Reginonem, tum etiam apud Burchardum lib. 2. cap. 161. post hæc verba sequitur, *quas vulgo talamascas dicunt.* Vide Notas ad Reginonem pag. 564.

*Di. 5. c. 37.
Non oportet.*

Gratianus hoc caput citat ex Concilio Laudicensi, ubi extat. Regino autem lib. 1. cap. 517. & Burchardus lib. 2. cap. 135. ex decretis Martini Papæ, id est, Martini Bracharensis, apud quem inventum etiam est. Vide Cujacium ad titulum Decretalium de vita & honestate Clericorum cap. 12.

ADDENDA IN NOTIS.

Pag. 486. linea ult. post illa verba, Agilco Mettis, adde. Mennam porrò Thelonæ Episcopum fuisse vel hæc res manifestè probat quod in causa monasterij Lirinensis apud eundem sanctum Gregorium lib. 9. Indict. 4. epist. 8. ejus testimonium referatur, tanquam è propinquo. Scribens enim Pontifex ad Cononem Abbatem Lirinensem ait: *Quām autem solers sis in regendis fratribus, quantóque studio in eorum sis custodia vigilans, reverentissimo fratre coepiscopo nostro Menna referente cognovimus.* Quid porrò monasterium Lirinense ad Episcopum Tolosanum, tam procul ab domo? Ante quām &c.

Pag. 496. lin. 25. post verbum audire adde.

In antiquis Gratiani exemplaribus ea est inscriptio istius capituli: *Hoc idem probatur auctoritate beati Gregorij, qui Ariminensi Episcopo dolore capitatis laboranti alterum subrogavit ita scribens in registro capitulo CCXXXVIII. Editiones Democharis & Con-*

*7. q. 1. c. 13.
Qualiter.*

ij habent cap. cccxxxvi 11. Correctores Romani pro ultimis Gratiani verbis ista substituerunt: *ta scribens in 7. lib. regesti sui, indi. 2. epist. 49. ad Marinianum Episcopum Ravenna.* Verum retinenda erat veterum codicum & editionum lectio, ut comprehendere possent eruditii lectores an ista Gratianus acceptisset ex fontibus ipsis, an verò ex rivulis & stagnis illorum. Nam si quis editione Romana Gratiani sollicitatur, nunquam animadverteret caput istud descripsum esse ex Burchardo, apud quem extat lib. 1. cap. 189. ex registro S. Gregorij Papa cap. cccxxxviii. ut heic apud Gratianum in antiquis codicibus & editionibus. Ivo parte 5. Decreti cap. 305. habet: *Ex registro Gregorij cap. cccxxxix.* Accepit ergo & Ivo ex Burchardo.

Idem flagitium ab eisdem commissum est in titulo istius capituli, qui sic habet in vetustis Gratiani codicibus: *Item ex eodem capitulo cccxxxiiii. ad Eleutherium Episcopum.* pro quo Contius & Demochares ediderunt cccxliii. Correctores Romani: *Item ex eodem regesto, lib. ii. epist. 7. ad Eutherium Episcopum.* Sed Burchardus, ex quo Gratianus descripsit, lib. 1. cap. 191. habet: *Ex regist. cap. cccxxxiiii. ad Etherium Episcopum.* In codice verò Talonij: *E reg. Aetherium Episcopum cap. cccxxxiiii.* At Ivo parte 5. Decreti cap. 307. scriptum habet in titulo istius capituli: *Ex registro Gregorij ad Eleuterium Episcopum.*

Pag. 511. lin. 19. post vocem manuscriptis add. Hujus porrò pars habetur in cap. *Relatum De sepulturis;* ubi male inscribitur Episcopis per Dardaniam constitutis, cum scripta sit ad Episcopos per Italiam.

Pag. 513. lin. 5. post illa verba, infrà ostendimus, add. Hunc scrupulum nobis exemit Burchardus, qui in lib. 1. cap. 227. canonem istum refert ex Concilio apud Altheum cap. 37. Nam *Alphesum* scriptum quoque alicubi esse pro *Altheum* monemus infrà 31. q. 1. c. 3. Facile autem est mutare *Alphesum* in *Ephesum.*

7. q. 1. c. 14.
Quamvis.